

3487
2325

v. 3

壬午起
乙未止

從政年表人

4

4

共三



opportunity

壬午

九年上之即位十五歲

二月初二日差統理機務衙門

主事統理機務衙門啓曰副司果魚

前相禮

李重七文學申箕善司饗院正朴泳教並本衙門

主事差下而魚

申箕善通商司李重七朴泳

教同文司使之分掌勾檢何如

傳曰允

初三日差考選官衙門啓曰天津所留學徒工匠

多有另為董檢之事且有問議中國之事本衙門

主事魚

李祖淵并考選官差下使之赴津與

領選使爛商措處而將此事由撰咨入送何如

傳曰允

初五日政考選官二單魚

李祖淵統理機務

衙門啓曰北學使臣沿路支供務從節略事已有
節目啓下而今此考選官將匪久發程矣窮春屬
傳之弊有不可不念支站一款並除之資糧自本
衙門量宜磨鍊只給馬匹令所經諸道習犯之意

分付何如

主事謝恩傳曰允

十五日

政考選官以問議官改付標單付

十七日以問議官辭

陞問議官魚

李祖淵

出去

傳曰留待

傳曰入侍入侍于熙政堂

餘

尹相萬儼注書李周璜兼春秋趙光
祐韓用高問議官魚

李祖淵

上曰問議

官進前允中等進前訖 上曰今遣爾等非由他
事以通商事與外國事曾於領選使許已有教意
而且於今番咨文備盡措辭然爾等須往天津與
通商大臣相議利害善為措處也允中曰臣猥以
不才適膺是 命謹當勉力奉行矣 上曰官弁
現無所領兵卒不必久留與領選使相議卽令還
國學徒工匠亦一一照檢就其有實病無實效者
亦令隨官弁一體出送也允中曰謹當如教矣
上曰事大之節益當親恪而其拘於文具貽弊民
國者不可以安於舊例而止使价及北道互市事

一一就議於總理各國事務衙門及通商大臣務
歸便宜也允中曰謹當如教矣上曰既許日本
開港通商而於中國則尚守海禁有乖親中國之
意中國與我國已開各港互相貿易無碍往來勉
遵約束之意亦就議於總理各國事務衙門及通
商大臣也允中曰謹當如教矣上曰近來外國
有窺伺之意云不可不先事綢繆往議於通商大
臣及留津使臣凡有益於國家者各別講確也允
中曰謹當如教矣上曰在中國時去留往來隨
宜為之回還時水陸間從便行之也允中曰謹當

如教矣 上曰令政院知委統理衙門成給節目
可也相萬曰謹當如教矣 上曰中路若有領選
使狀啓觀其事機如有緊急可議事則兩官中一
人即為還來商確可也允中曰謹當如教矣 上
曰自營口至天津幾日程乎祖淵曰乘船則二日
程云矣 上曰發船則明日可至耶祖淵曰然矣
上曰李鴻章為我國事盡心周旋今且領選使一
行善為安接矣曾於冬至使使稱謝然而甫於逢
場亦為稱謝而且致感謝之意於禮部可也允中
曰謹當如教矣 上曰往來天津以陸路則四十

日程云而以水路則可得半減然而未知何時回

還而問議官雖是堂下官任大責重隨事善處遠

路無事往還也祖烈曰王靈收暨似當無煩回

還矣退出高陽宿司果李福煥奴子金英根從監

李傳士人李鶴圭并
他吳麟慶從李祖淵

十八日臨津中火長湍梧里宿

十九日松都中火平山冷井宿

二十日南川里中火瑞興邑宿

二十一日黔水中火黃州牧宿兵使吳晉祿牧
使尹滋祿出見

二十二日中和邑中火府使具永
祖出見平壤府宿監司
金炳

德席尹季源麟中軍
趙秉應出見

二十四日順安邑中火慈山府使李萬教出見肅川邑宿

二十五日安州邑中火嘉山邑宿宗人用河來見從之

二十六日納清亭中火定州邑小憩牧使趙秉宣轍出見

川邑宿

二十七日鐵山館中火府使尹成九出見龍川良策館宿

二十八日義州小串館中火八義州府留府尹趙秉世出

見

三月初四日渡鴨綠江通事崔致成金聖孫從溫井坪中火

六十里柵門六十里宿

臣等一行於去月二十八日馳到義州府所賚
咨文登時查對少無差謬是白乎所釐頓行
具當日卽時量渡江入去而盤纏銀三百一十
八兩六錢一分錢四百兩自管稅廳區劃帶去
為白乎旆義州府尹臣趙秉世點閱人負搜驗
卜馱則無一犯禁是白乎等以緣由并以馳
啓為白卧乎事是良旆詮次 善啓向教是事
臣等一行於本月初四日卽時量渡江入去之
由已為馳 啓為白有在果當日酉時量到柵
底點閱人負無弊八柵仍為前進為白乎旆緣

由馳 啓云：

初五日留柵門

冬至使一行正使洪鍾軒副使金益容首譯李容肅出來

初六日鳳凰城

三十里中火使通事送文憑于城守

尉城守尉使領頭二員查驗人數卜物易過四台

子

二十里

雞冠山

十里

師子崗

三十里

宿

初七日過東門岩新開嶺

四十里

中火過大湯口

十三里

里青河口

三十里宿

初八日過黃花甸

五里龍頭寨

二十里

舊鉤谷

二十里

中

火過牛心山

二十里

東大嶺

二十里

接文寨

屬海城縣

二十里

宿

同日議政府時原任大臣聯名

領府事韓啓源領判

學季最應判府事金炳

劄曰前月問議官辭陞之

後自政院因傳教有下知委該官文字而名為訓

令之總理大臣看名書送之命矣取見辭意則其

中多有關係上國之事決非藩邦之所敢擅煩設

令飭諭於我國朝臣固不可是謗布者也承命之

日臣等相與屢回商確則皆曰不可一辭同然此

豈惟臣等之公議而已即輿論之所在而旋伏承

草本還入下教臣等不勝欽誦萬一日昨以問議

官入侍筵說中訓令草改書攬入自政院出送于

本衙門矣訓令初非筵說所載也筵說所重果何
如而今於決旬之後如是增改史筆法意從此掃
如而方來之弊亦將無窮夫事拂公議則初非可
謂之事不可為而為之則難免後世之譏此事之
至慎且難有如是矣而任其職者或恐觸忤一以
承順為事則便是只知有身不知有國者也茲敢
冒死齎籲伏願聖上回日月之明廓天地之量伊
日筵說一依初本毋得攔改焉竊又伏念筵說追
改大欠謹嚴惟允之際宜思繳還記注之地常有
覆逆而後事噤默殊甚慨歎其時八侍承旨與史

官並施醴罷之典恐不可已也進取止 批曰省

劄具悉卿等之懇予自謂關係民國事而使歸於

蔑例喜事良庸愧歎 大臣以 批旨未安多日胥命金吾乃收蔑例喜事等字

初九日過析木城 二十五里牛庄捷路 郭家庄 十五里 方家店

十五里 中火烟台 二十五里 大石橋宿

初十日過老爺廟 二十五里 中火營口 三十里 宿送慈票

於海關道續昌同知寶岱來見

十四日往見續昌 字燕甫蒙古人 轉訪海防同知寶岱 紅正

旗滿州人 送書四川提督宋慶

十七日乘漁船 福州

十八日抵烟台一日一夜行下陸送憑票登來青

道方汝翼

十九日福山縣烟台巡檢吳恩培英人馬夏禮來

見登玉皇廟

二十日與吳恩培往鍊軍營晤王撫兵益山靜安

微人官都司觀兵晤副提統李得元福山知縣徐立言

倪鴻鈞轉訪方汝翼歸石民直隸清苑縣人聞丁軍門汝昌

馬道建忠般往朝鮮北洋大臣李鴻章遭母喪撫

督張樹聲代辦之事

二十一日方汝翼來別

二十四日乘船

永清號

二十五日到大沽河口

潮淺不能駛入

二十八日抵天津南局領選從事官尹恭駿館所
同留夜領選使金允植至同宿

二十九日往見津海關道周馥聞美國提兵薛等
甬往朝鮮議約之事轉往招商局晤唐廷樞

四月初一日送

咨文于北洋大臣衙門

朝鮮國王為通商駐使等務贊議事竊念小邦
偏倚聖朝字小之恩保守疆土殆三百年于茲

現宇內多故時局日變洋艦迭伺邊陲日人初

開商埠且北俄毘境常為隱憂奈國小力單恐
不克自振當職與舉國臣庶蚤夜惕慮思所以奮
發修舉小弛上國東顧之憂用是不拘舊章冒
昧煩陳顧今外人獨擅商利船舶駛行洋面惟
上國與本邦互守海禁殊非視同內服之義亟
宜令上國及小邦人民於已開口岸互相貿易
亦許派使入駐京師藉通情款以資聲勢庶外
侮可禦民志有恃茲專差陪臣統理機務衙門
主事魚允中李祖淵等前往質議凡係審時勢
切利弊祛文趨實等合行事件由垂裁度務協

妥辦是實本邦大小臣庶同情之願煩乞轉奏
天陛亟賜允準不勝幸甚為此合行移咨請照
驗轉奏施行須至咨者 右咨 欽差北洋通

商大臣衙門

另錄

通商駐使等事已具咨本而此外另有稟商者
不敢請謁於宸違之中際行錄達

一既行通商駐使則可妥議章程而惟仰上國
之裁定耳

一朝鮮咸鏡道烏喇齊古塔民人來市事曾有

稟過而到今俄境毘連欲防陸路通商之患則
可嚴此市以杜其漸且宜革供饋商民之規可
於新定通商章程時另議一款 奏明

一既行駐使則賀謝陳奏等事不必另派如有
勅命亦可順付

一使臣自備資糧從前上國領賜及沿路留館
時廩給亦可永革

初三日與領選使及李祖淵往見周馥成刻周馥
承李中堂意來見勸送李主事回國夜李主事祖
淵往搭招商局保大輪船向往烟台換乘東海關

兵船即向仁川

付呈封書

臣於前月初四日渡江之由已為登聞是白
在果初十日到營口留七日十八日到山東省
烟台更留五日是白遣又於大沽擱淺留三日
始於同月二十八日午刻抵達天津是白如乎
中路稽滯遲滯輪船是白乎矣伏不勝惶悚為
白乎諒北洋通商大臣李鴻章於前月初二日
遭母喪矣竇奉咨文只從便順呈是白遣送禮
部咨段入燕費呈伏計為白乎諒問議官臣李

祖淵因北洋大臣知委今方經歸是右遣臣則
待賢議後出去伏計是右乎尼難免曠日之弊
是白齊

一官弁與學徒工匠領選使臣金允植已為棟
汰出送是右乎故更不減額是右齊

一北洋大臣李鴻章遭艱歸里待其奉諭穿孝
十日後還任視事始可與之實議是白齊

一北洋大臣今既持制難與接晤謹錄事實由
天津海關道周馥兩次代呈錄紙二片另具

乙覽是白齊

一兩局學徒工匠餼料已竭換來銀子亦未推
來臣之資糧無所仰給乞賜 處分是白齊

一一切事情都付李祖淵口達是白齊

十三日與領選使金允植尹恭駿至提督行臺周
馥全納帖候謁李中堂辭而不見至張制軍樹聲
寓館以客禮接之聞我邦新與美國安定和約申
判樞樞金叅判弘集與議約款

十四日李中堂持制歸里

十五日永遼河道游智開

號藏

來訪

二十日往東局李譯應俊乘輪船至自我邦聞房

國太平英人又至議約

二十一日發向北京至楊村

六十里宿

二十二日武清縣河西務

七十里

中火通州張家灣

五十里宿

二十三日抵北京由崇文門至御河館送報單于

禮部大通官雙志來見

二十四日大通官達明阿大使李芳溪來見往禮

部主客司呈咨員外郎吳峒替受

咨文與移北洋咨同

二十八日通事李枚昌便復上封書

臣於本月初五日臣李祖淵還歸時先有上達

是白在果十三日與領選使臣金允植等見署
理提督張樹聲是白遣十八日虜府通事李枝
昌賚傳衙門公文及訓令是白乎於二十三日
入北京留駐于御河館其翌日往禮部呈咨是
白乎所事之如何安辦伏難預料是白齊

一與周馥談草及上海申報節錄謄呈是白齊
一卞元圭所劃和豐局銀子非徒局主不在且
該商人不欲以多數押賚而領選使行中之不
領糧銀已為三朔臣亦無以為資故不得已與
領選使相議就周馥成立字議賚五千兩於招

商局矣李應俊又徒手入來加貸一十兩當此
國用告罄之日伏不勝悚悶凜報之道宜有預
定伏俟處分是白齊

繙譯官事已悉於周馥筆談而馬建忠不能久
留不可不至圖以雇請之意下諭於領選使
處為好是白齊

從事官尹恭駿持張制軍抵我政府書還國
三十日往總理各國事務衙門晤宗人府丞吳廷
芬

五月初一日往見蔡壽祺陳福綬

初四日禮部郎中因軍機處字據使我一行徑赴

北洋衙門議事發行到于家店三十里宿

初五日河西務七十里中火楊村七十里宿

初六日還天津南局

十三日往見周馥

十九日唐廷樞書要往開平觀煤礦往和商局與

蔡懋功號雲汀浙西人登舟而東宿于舟中修送封書

二十三日過蘆台至閏河庄上岸礦務局起棧檢煤處復登

舟而行

二十四日至胥各庄乘火車到開平永平府灤州豐潤縣界

礦務局留晤吳樞辦燬昌號南及其子矩存

二十六日觀煤礦

二十九日自開平發行過胥各庄閭河庄蘆台

六月初二日還天津往東局晤領選使聞本邦已

與德國議約祇受內下封書

初五日往水師營務處晤羅豐祿字稷臣福建閩縣人

十二日往見馬建忠字眉叔

十八日聞本邦亂耗

本國軍餉屢月不領在惠局始放軍料斛量減
半軍人責倉直偷食不受因以重打之惠堂乃

閔謙鎬倉屬乃其家人收軍人分囚刑曹捕廳

將重治之軍人奔趨謙鎬家僕從開拒不納與之

爭破其門戶謙鎬適在景福宮董役聞變直趨

闕請治軍人軍人等相議曰等死耳不可散去

直到刑曹捕廳解軍囚屯于東別營吹角諸軍

麇集初八日上召李最應問計最應時帶廣

州留守請發別破陣屠之語泄于軍初九日軍

人直到最應第破家最應被擊而死亂軍從興

宣官更屯于營初十日亂軍至敦化門外請出

給惠廳庫直流入至大造殿前請出給者數次

人擠閔謙鎬下之衆所殺之復殺金輔鉉于空
室中人復擠王妃于殿前亂軍牽擁而去乃
幸而不及於禍洪在義閔應植轉相供奉匿避
于忠州閔泳緯第亂軍以矛刃屢擬於上

世子奔避苑中李載純尹恭駿會于景祐宮陪
衛是時亂軍踴躍無賴從而蜂起破家殺人擅
行無憚國人曾不喜外人敦義門外一隊雜類
嘯聚于清水館外聲言將盡屠倭人倭人聚什
物而火之揮刃突出衆皆被靡奔至仁川覓船
下海遇英船載到長崎七人在仁川府慙睡亂

軍追及殺之又往下都監教鍊所殺領官丁龍
燹盡破洋槍亂軍猶集于關外下教大小事
務皆決於大院君罷武衛營統理機務衙門於
亂軍稍解乃偽發王妃喪欲行衣襚獎日本
公使花房義質走至長嶠電報其東京大清駐
日本公使黎庶昌將事由電報北洋周馥邀領
選使告知

十九日會領選使于津海關署與周馥議事

與金允植議曰據電報朝鮮亂黨逐日本公使
殺死幾人王宮亦同時被擊云主上之安危

未可知開釁於日人兵端已起吾輩既奉命出
疆義不可坐視就議周馥請東援之事周馥使
余隨北洋巡洋兵艦到義州打探情形余曰義
州國之邊陲難以詳探不如直向仁川請謁陸
勇千人隨機進止

二十日往見何如璋

字子

與領選使會于周馥聞

已以我邦事報總理衙門待其回信云

二十二日往見周馥周馥使余隨丁軍門汝昌偕
往仁川乃托金允植在津議辦即發向碼頭駕小
輪般與丁汝昌抵大沽水師營次宿于舟中

二十三日到大沽外登起勇鐵艦駛向烟台

二十四日到烟台

二十六日自烟台發向朝鮮丁汝昌乘揚威鐵艦
追至馬達忠從上海聞報而至與之俱東

二十七日抵泊仁川港

亥刻抵泊見有日本兵艦先至往見丁馬於威
遠艦上使通事往探於花島鎮

二十八日往見丁汝昌馬達忠

二十九日丁汝昌乘威遠艦發向天津余因留舟

次

七月初一日花夸義質與陸軍少將高島率陸軍
一千人向仁川府美國兵艦亦來觀變

初二日兵曹判書趙寧夏工曹叅判金弘集承

命迎勞馬建忠於舟中余近見相慰

初四日清艦移泊南陽大阜島前前僉正吳慶琳
來與同舟直向南陽府

初五日馬建忠乘揚威艦追至趙寧夏金弘集亦
同舟而至直向南陽府

初七日領選使金允植與吳提督

廣東水師提督

長慶及

丁汝昌率水陸軍四千人駕五艦而至余往威遠

艦迎晤申刻與馬建忠及吳樞兵兆有上岸趙判
書寧夏軍騎未會與馬建忠同向南陽府余與吳
兆有及兵勇五百人宿于馬山浦村舍

初八日到南陽府

府使李命寧出見

修呈狀啓

與銓允植聯署

臣等於本年六月十九日在天津從津海道周

馥送示駐日本使黎庶昌電報據云本月初九

日朝鮮亂民滋事日本已派兵船前往中國亟

宜遣兵援護云、電音簡畧未知其詳臣等聞

報驚惑同知攸措署理北洋大臣張樹聲飛奏

情形大清大皇帝特軫念邦素無戎備即命調

水陸兵丁四千人提督吳長慶統陸軍提督丁
汝昌統水師同候選道馬建忠星夜前往相機
救護臣等亦隨在軍中於本月初七日未時量
未到南陽府大阜島前洋即為分兵上寇陸續
進京嗣後情形隨即登聞訃料為白乎等以緣
由并以馳啓為白卧乎事

初九日與趙甯夏同馬建忠入水原府是日金台

允植與吳長慶引軍抵南陽府

水原留守鄭基世出見

初十日至驛觀坪

廣州留守趙慶福未候

過果川縣逢京畿

監司洪祐昌懇于公衙金承旨晚植自京至見尹

金溝恭駿書檄知

坤殿避禍偽令發喪之事中

使柳載賢來傳

上旨勞問

渡銅雀津入京直到

南別館大院君及李載冕

時帶戶判訓將惠堂

為接馬建忠

而至李祖淵隨後而未握手不能言趙叅判準承

以迎接官未暮至闕門外趙判書寧夏自內送布

帽帶以

上命促令入侍余到政院辭之不獲入

侍于樂善齋進前奉慰以報效矢心而退至第見

尹恭駿益聞愛亂頗末

十一日往南館是日吳提督率諸將進京軍于此

地李載冕率六百人出迎于果川

十三日往南館是日吳提督與丁汝昌馬建忠往拜大院君大院君回謝至黃仕林營吳提督延入座定補皇旨促令入朝丁汝昌隨之直過南陽府載之兵艦送于天津又有命宣召入對而退清將魏論先勒兵到敦化門外守衛與李載冕出而勞之夜宿于禁中

十四日早李容肅李祖淵自南郊還傳馬建忠之與趙甯夏書始覺大院君被執西行皆驚惑靡定余入慰上前奉旨往南館宿于禁中

十五日往南館宿于禁中連日宣召在禁中

十九日 上召接魏綸先時入侍

二十三日 上接見吳長慶時入侍

二十五日 傳曰當此國家多事之時不可無議

事之地機務處以閣門內為之應行節目令來會

諸臣磨鍊以入 傳曰兵曹判書趙寧夏戶曹判

書金炳始行護軍金弘集金允植副護軍洪英植

副司果魚 校理申箕善使之逐日來會于機

務處隨事往議于領議政以備稟決

是後逐日赴公更日直宿

是日承 命往迎 中官殿于忠州移文忠清兵

使具亮植調兵來衛

二十七日抵忠州長湖院閤判書泳緯錄問候于
中宮殿夕奉迎諸臣已抵矣

二十八日中宮殿自忠州進發陪從到竹山邑
宿

二十九日到龍仁邑宿

八月初一日還京

初五日上台見日本公使花房義實時入侍

初八日親臨仁政殿上見清人素世凱時入侍夜被閣圍

傳曰直閣會圍會圍提學金炳始尹滿真檢校直

閣李鎬翼金興均趙同熙閤丙夔檢
校待教洪淳馨宋秉瑞待教閤泳詔
直閣會圍七

點魚

徐相祖鄭寅學有政直閣蒙

恩校書

校理兼直閣算魚

初九日因本閣啓辭承牌直閣謝

恩入直

教書

王若曰金匱祕河洛之符漢有石渠虎觀瑤躔
膺奎璧之象宋則寶文龍圖精義寶兼二代之
規掄選必貴一世之雋顧內省孰非妙選惟直
殿最補萃啣資歷則繇集賢延英寶備顧問之
職等位焉間直學待制必須代撰之才蓋是任
顧不重歟非其人莫宜居者向幸文學清望出

自詩禮古家持斧湖南掌試閱西早驗廉白之
操乘槎江戶問議燕北遠播通練之譽矧當今
日淬礪之辰尤急西清演綸之手豈或恩襲阿
好予乃簡心必有實副其名人方拭目頌體揀
拔之眷克勉對揚之思

待教閱
泳韶製

初十日入直

十一日 上詣東闕王廟見吳長慶時陪從 傳

曰直閣魚 馳詣東闕王廟奉審以來

十二日發天津之行直閣魚 問議官出去

十三日到南陽府馬山浦登中國兵船

登瀛洲

發向

烟台

十四日京畿監司書目果川呈以直閣魚允中

疏上送事啓疏曰

臣於見叨之職揆分量才萬不稱當冒沒承膺

恬若固有者臣豈不知清班之不可玷物議之

亦可畏也適值艱虞之會不敢以微末去就仰

煩酬應也伏念臣以寒植門孤通籍以來十有四年

雖或奔走於內外實未敢念到榮塗自分歸耕

山野永作閑民不意前者奉使中朝未卽竣事

滯留津沽聞國有變亂急於奔問遂自徑歸今

幸 坤聖還御軍民底定臣當更往中國聽候
使事之妥辦今方付搭輪船西駛而至於
寶欲辭而未及呼籲者也今於路次略具文字
仰瀆 崇巖伏乞 聖慈俯垂 鑑諒亟遣臣
直閣之卿俾重舉掄而安私分焉
荅曰省疏具悉所請依施

傳曰原任提學金炳始原任直閣魚

檢校差

下

十五日兵曹口傳政事付司果

十七日抵天津留南局

大院君於前日奉皇旨往保定府

十八日陳奏使趙甯夏副使金弘集從事官李祖淵自北京回津往見于客棧轉訪馬建忠

十九日訪周馥

二十日會海關道署

二十一日謁李中堂唐廷樞來訪

二十二日往海關道署論通商章程

二十三日吳提督長慶在水師營置酒與周馥索

保齡趙甯夏金弘集李祖淵往會

是日張制軍樹聲發向保定府

二十六日送陳奏使一行與吳長慶歸國

二十七日往見袁保齡

字子久

往東局見總辦潘俊

德轉訪馬建忠

九月十六日同副承旨陞資

傳曰同副承旨有

關之代副司果魚

除授吏曹同副承旨魚允

中

十七日北洋大臣奏定中國朝鮮商民水陸貿易

章程賞付章程與咨會

十八日別李中堂及周馥

十九日傳曰右承旨同副承旨許述前筭單子

入之承旨蒙達兵批付副護軍是日自天津乘輪
船回國

二十一日在烟台逢趙甯夏洪晉游赴津之行聞

余陞資

趙判書
傳玉園

二十四日與記名提兵方正洋回泊南陽馬山浦

修呈狀啓臣

臣於前月十三日自南陽府馬山浦付中國兵
船十七日抵天津留館是白加尼於本月十七

日由署北洋通商大臣奏定中國朝鮮商民水
陸貿易章程及總理各國事務衙門覆奏抄咨

一冊北洋大臣咨會一度並以賚付於臣是白
乎故於同月十九日搭付輪船二十四日辰時
量回泊馬山浦登岸即速登道進京計料為白
乎旅記名提兵方正祥與臣同渡方赴吳提督
軍門員人共二十六是白乎掌以緣由並以馳

啓云：

二十五日京畿監司書目問議官魚今二十

四日還渡海出來事啓水原府宿

二十六日入京問議官魚入來傳曰問議

官問候官同為入侍入侍于樂善齋

同副承旨趙忠烈記事官

林義相記注官在鼎獻白時洽
問候官李載德問議官魚

上曰問議官無

事往還乎允中曰憑恃王霸得以利涉矣上曰

中原無事否允中曰現無他事矣上曰李鴻章

張樹聲皆見過否允中曰張則方以直隸總督赴

省城未得見過李則三次見之而仰承聖諭求

解大院君而未獲茲有筆談數紙以備乙覽

矣上曰大院君諸節太平乎允中曰探問得

其安寧之信矣上曰外國傳聞之爽實予庸問

歎汝亦向人辨白否允中曰臣果極口卞明申報

之疏布已在大院君赴津之先喧傳萬國臣口

則一萬目難掩心竊悶然矣 上曰何時可得還
國乎允中曰臣之為 大院君乞還已在筆談而
李中堂言內雖鴻章亦難瀆請云、可待一二年
徐圖方便現雖更行瀆請恐難有效矣 上曰通
商章程事已竣矣何以迄章乎允中曰前者趙寧
夏之出來已以擬稿付呈而雖有一二參差處西
北開市之變通痛革向日痼弊為西北人開萬國
之利也莫非若保之 聖恩收贐也 上曰開市
當如東萊德源許相貿易而不無潛越之弊乎允
中曰此則當設法辦理矣當於明春派員前往兩

界交界處與中國來員另議詳細章程矣 上曰

問候官今方入去可以無碍往還乎允中曰前者

問候^官之未^官即入送甚可悶也在天津力言入送之

意得其允諾且大院君今當衰境宜有眷屬之

陪護故亦以此為言矣 上曰今雖航往歸時亦

可從水道乎允中曰北河冰則般不可通若稍遲

而河冰則可以從陸矣 上曰西北派員何時可

送乎允中曰義州則以二八月開市可於二月前

派送矣慶源會寧則可待三四月派送而市規之

議定兩國可以相議妥辦矣 上曰北道市期已

近矣今姑依舊例行之否允中曰待明年安定新章後再行變道軍除矣

十月初二日 上御春塘臺觀日本兵制時入侍

十二日差西北經畧使議政府啓曰緣以兩畧邊市

派員會商事回咨撰送之意啓稟蒙允矣副護軍

魚元西北經畧使差下令該曹口傳單付使之

起期下往以為委任勾當之地何如 傳曰允更

曹口傳政事西北經畧使單魚

十三日 傳曰向因筵奏以減省事有所批旨矣

機務處諸臣一體就議廟堂斯速舉行

二十日有政禮曹叅議蒙 恩魚

議政府啓曰以減省事伏奉斯速舉行之命矣
諸般減省不容不設廳講究務圖至當廳號以
減省廳為補處所以觀象監為之本府公事堂
上機務處諸臣吏兵判戶惠堂貢市堂上會坐
商確司果徐雲輔李載崐李象禹安種憲司正
呂圭亨前監役尹秉前司猛金炳塾劉鴻基亦
令考閱簿案分掌舉行何如 傳曰允

二十二日禮曹叅議謝 恩

十一月初三日直閣會園時進本閣啓曰直閣會

園事命下矣提學金炳始樵校直提學金永壽樵校直閣金興均沈相董閭丙熒魚

教閱泳韶並即牌招以為會園之地何如傳曰

允會園七點閭應植尹相翊尹泰駿

十三日冬至問安進時原任大臣率禮堂入侍時進

領議政洪淳穆左議政金炳國禮曹判書李秉文參議魚

十八日翼宗大王退上尊號大王大妃殿加

上尊號議號時賓廳進議號後各殿宮問安進

十九日統理內務叅議差下傳曰領議政左議

政總理內務衙門事務左贊成閔台鎬上護軍尹

滋憲金炳始戶曹判書金有淵辦理統理內務衙
門事務江華留守金允植協辦統理內務衙門事
務副護軍洪英植禮曹叅議魚 同副承旨申
箕善叅議統理內務衙門事務

二十二日禮曹叅議初度呈辭還出給

二十三日初度呈辭給由

二十五日再度呈辭加給由

二十七日三度呈辭遞差

二十八日兵曹口傳政事付副護軍

十二月初二日召見日本公使竹添進一郎時入

侍

初四日 傳曰統理內務衙門改以統理軍國事務衙門統理衙門改以統理交涉通商事務衙門兩衙門辦理事務補以督辦事務此後協辦與叅議之陞資人依例陞付

初五日傳傳曰統理軍國事務衙門統理交涉通商事務衙門之總理督辦事務以下並改官牌招開政下批有政吏批付叅議軍國事務

初六日 大王大妃殿誕辰問安進叅議軍國事務謝恩 傳曰檢校直閣魚 馳詣 膚陵

奉審摘奸仍留監祭局內諸陵一體奉審以來

初七日詣 睿陵奉審仍詣 禧陵 孝陵奉審

還詣 睿陵監祭夜還京

初八日復命 傳曰奉審閣臣入侍入侍于重熙

堂行左承旨朴容大微注書金東經記注官康允鴻舉別兼春秋金天洙檢校直閣魚

中曰臣承命馳詣 睿陵陵上奉審則安寧碑閣

丁字閣奉審則無頃祭物祭器祭井看審則精潔

諸執事摘奸則無頃仍詣 禧陵陵上奉審則安

寧碑閣丁字閣奉審則無頃仍詣 孝陵陵上奉

審則安寧碑閣丁字閣奉審則無頃還詣 睿陵

仍留監祭將事安寧之意敢達矣 上曰諸陵
陵工俱為太平而碑閣丁字閣亦無煩乎允中曰
俱為安寧而無煩矣 上曰何時將事乎允中曰
三更量矣 上曰冰程雪寒無煩往返乎允中曰
無煩往返矣 上曰冬雪之作農家之喜則昨日
之雪可占末年矣允中曰雪融為水則有益於農
事故謂之豐占矣

初十日 傳曰經畧使向已差出矣西北水陸通
商事宜外廉察守令臧否矯枉民邑利弊等事一
依御史例為之

十三日召接清人陳樹棠唐廷樞時入侍

十四日召見總理大臣以下時入侍

務總理軍國事務領議政洪

淳榜左議政金炳國督辦軍國事務閔台鎬尹滋

憲金炳始金有洞協辦軍國事務金元植參議軍

國事務洪英植魚督辦交涉通商事務趙軍

夏權知協辦交涉通商事務閔泳淵協辦交涉通

商事務金和集

二十二日 傳曰三軍府機務處並合付於統理

軍國事務衙門

領議政洪淳穆所奏也

二十九日減省廳會坐進

三十日減省廳別單入啓

一宗親府宗正卿負數太多自今大五十寸親

以外宗正卿并減下事

大君王子居慶喜宮慶喜一忠彦國信
思全居嫡長孫官至二品亦為宗正卿
差下事

一議政府堂上年七十以上并減下事

一忠勲府屯土太多為弊滋甚自今屯土之散
在各邑者并屬度支該府支用只從忠翊衛舊
錢中上下之外他貢契進排條亦令勿施不足
條自度支給代量宜定式堂上只出有司一負
休耆老所例以下座差定忠義自辟勿施自銓
曹就勲裔中隨闕單付啓下事

一五衛軍制之徒擁虛名久矣及今更張之時
合有變通之舉都摠府衙門革罷摠管並減下

武宰就兵曹叅判及漢城左右尹中一員訓鍊
院增設同知事二員以為收用之地郎官並屬
之兵曹桶以員外郎令該曹單付四所衛將衛
軍並屬龍虎營俾專管轄事

一扈衛廳本是權設而尚今仍置軍務統轄不
可多歧大將別將並減下軍役屬之龍虎營軍
官試射登之事

一訓局既已革罷局別將減下局出身並屬之
於龍虎營與負役而一體有關勿桶事

一司饗院即掌供御膳之地而供上各司之另

設官署實涉繁冗司導寺內膳寺內資寺司掌
監氣盈庫掌苑署至卑罷提調減下郎官並屬
之戶曹補以員外郎令該曹卑付進排各貢使
之直納于該院米穀魚鹽柴炭果蔬油清等物
本院提調郎官分掌照檢各貢之曾前進排該
司時謬例雜費並勿施以存體恤有可以留儲
外司者設外院於司導寺隨時進排掌苑署司
園署兩處之有閑祭享物種令該貢移納于奉
常寺事

一分院之說近為弊公私受損亦不可不及今

慶通燔造奉事勿為劃送許民燔造之供上需
用作貢進排外司及厨院堂郎之重徒例納等
名色及進上時情費一並勿施昆陽土移定於
原州廣州土移定於驪州定式貢餉外年例應
下與修補木錢木槽廣板排板等費從今永減
俾便公私受價條年終會計以附進邑公納中
劃給並依戶曹別置例磨錄成給事

一尾署造紙署草屬工曹提調減下郎官屬之
工曹桶以貢外郎令該曹單付該貢之曾前進
排該司時謬例雜費並勿施事

一惠民署活人署並革屬典醫監提調並減下
惠民署官生屬之典醫監活人署郎官屬之禮
曹補以員外郎令該曹單付事

一武兼廳革罷武兼宣傳官並屬之訓練院叅
下武兼屬之部將廳令該曹單付事

一舟橋司革罷堂上減下章行時舟橋令禁衛
營專管舉行該將臣臨時以舟橋堂上啓下事
一濬川司屬之漢城府事

一能磨廳革罷郎廳減下時帶郎官待仕滿出
六依前付職事

一內弓房革罷所管各貢契並勿施事

以上應革各司

蔭武官分屬應屬衙門而隨闕核補實職只受本品原祿或守令無碍擬差就中奉事直長於各陵令中換設奉事直長以為陞叙之地

一六曹郎官之區別文蔭武有礙於隨材通用

自今以後勿拘檢擬事○監軍兵曹郎官及宣

傳官廳逐日受點負役亦各付應屬衙門補額

外待闕陞差實役只給本窠料實役中雖有身

故及自退者必以額外負役肩次差出無相踰

越事○軍校吏隸以料布之故無役他司輕涉

苟艱自今以後自所屬衙門定料布令兵戶曹

上下加出則毋得公下隨闕陞實事

一祭官自吏曹於每年正月分差七十以上勿
差獻官六十以上勿差執事文武副護軍以上
軍職之差祭者亦不許煩免若有實病實故與
後次當差人推移施行事

一宗廟 景慕官朔望祭令該曹提調永定
獻官該官負永定執事只差大祝而 景慕官
則加定執事一人事

一各 陵監祭監察及贊者謁者自今勿為差
送事

一撻管既已革罷寶鈔衛侍不可不備自今後殿
座與動駕時寶鈔侍衛四人令該曹以在京無
故人長留受點舉行事

啓曰外道方物進上觀察使留守統制使濟州
牧使外兵水使並使之勿為封進進上方物中
甲冑弓箭筒兒弓帋結弓獐皮等物永為停封
之意分付何如傳曰允

啓曰尚衣院軍器寺前訓局三處各道上納一
應弓箭所入物種並令勿施何如傳曰允

啓曰內醫院京畿進上海艾既有草藥契所供

勿施兩南青大竹輸納為弊乾不適用每期限
十箇式使之交付於畿營情費勿論北兵營所
封鹿茸並代錢施行之意分付何如 傳曰允
啓曰外邑軍名之徒擁虛簿而磨勘於京司及
該道監兵水營者已屬無實而因此情費之橫
徵萬、無據從今以後軍名磨勘之規勿施只
以定額軍數収布上送之意分付何如 傳曰
允

啓曰自今以後凡屬文具亦當取次除減若臺
諫請牌若監察蔡時若守令署經取票若各營

習陣日次若司僕司諫馬單等類並令置之何如 傳曰允

啓曰科舉應辦所舉行永為勿施依令番別試例磨鍊何如 傳曰允

啓曰割局今既革罷各道資裝錢更勿上送之意知委何如 傳曰允

啓曰各道戰船之有弊無用久矣自今改造物力更勿會減自統水營無得侵徵於舟師諸邑鎮之意分付何如 傳曰允

除夕問安進

癸未

十年上之卽位二十六歲

正月初一日正朝問安進

初四日檢校直閣魚

水原地掃墳呈辭入啓

給由

初五日

大殿世子宮詣仁政殿上冊寶及詣

太廟

永寧殿展謁時進

初七日檢校直閣魚

水原地掃墳事出去

二十日檢校直閣魚

掃墳後入來

二十八日西北經畧使魚

出去傳曰留待

傳曰入侍入侍子重熙堂

右承旨金敬均假注書李寅壁記汪官著

鴻舉白時洽經畧使魚

上曰今番之行即開市通商事

也與他有異各別對揚可也允中曰臣下去後與
彼人相議量宜做去而若有民間切骨之癩則為
先狀聞以除其弊矣上曰還穀事何以區別乎
允中曰此乃民間切骨之癩則不可不眷念於此
等事也上曰鹿屯島本是我國地形云則今舊
之行可以歸正吾允中曰此島與中國寧西相
接而間有分界音蒲江此非容易歸正之事也上曰
六鎮民戶之移接江東者亦為招來安撫可也允
中曰民之從化如水之就下謹當廣布聖德示之
以安生樂業之方則自然還來矣上曰令行先

由灣府則那時可抵閩北乎允中曰以日計程則
似在三月旬間矣上曰瑞川府既設鑄錢所則
亦為有檢可也允中曰觀其事勢使之始役而卽
為狀聞矣上曰為之允中曰惟在守令之得人
而已上曰今行卽御史之例則詳密守令之臧
否以除民瘼也允中曰遐土蠢氓無以抵賴流來
之瘼實由守令之不得其人故也苟有規抚祛革
之方則從當一心對揚矣上曰實心做去以副
予意可也允中曰臣才識淺短擔夯重任中心不
勝惶惶矣上曰今日留宿於何處乎允中曰高

陽四十里矣 暮抵高陽邑宿

二十九日臨津中火松都宿

京畿衛史李建昌出見

二月初一日金川餅屋中火平山南川宿

初二日瑞興屏巖中火鳳山釦水宿

初三日新南店中火黃州邑宿

兵使鄭雲翼出見

初四日中和邑中火平壤府宿

監司金永壽出見中軍趙秉應江西

縣令金永壽龍山縣令趙濬熙未謁

初五日順安邑宿

縣令金奭熙未謁

初六日肅川館中火

府使韓弘烈出見

安州邑宿

兵使申桓出見

虞候趙秉泰价川郡守具然河來謁

初七日嘉山邑宿郡守蔡奎龍來謁

初八日過定州邑牧使趙秉輓來謁宣川加馬里宿府使金思

羽郭山郡守李源永來謁

初九日鐵山館中火馬尾院宿

初十日到義州府府尹趙秉世出見以開市事送書鳳凰

城東邊兵脩道陳本植

十二日啓請除鴨江般禁

十三日渡中江與通化縣知縣張錫鑒號今順蜀人安

東縣知縣耆齡號松年蒙古人委用通判汪鼎號子寬直隸人會

商開市事

十七日與府尹往雪柳館迎晤張錫奎耆齡汪稟
會商章程踏勘貿易處

二十五日往中江與東邊兵備道陳本植羅海議
貿易等事議勘開市處於三江而還

二十六日與府尹往雪柳館邀陳本植及張耆汪
諸人晤談同往西湖洞踏勘共登統軍亭而送之
三月十三日冬至使一行渡江上使沈履澤副使
閔種默書狀官鄭

夏源

十四日中江貿易章程已議定矣與府尹渡中江
別陳本植

二十日往白馬山城周覽形勝因發行到所串館

宿

片監案永基因留義州辦事未此告別

二十一日西林鎮中火

龍川府使李豐來謁

過鐵山館府使

李漢英來謁

到宣川府

府使李恩

宿

二十二日定州邑中火

牧使趙秉轍來謁

到納清亭宿

二十三日嘉山邑小憩

郡守蔡奎龍來謁

博川舊津中火

郡守李象協來謁

到安州邑

兵使申桓虞候李得洞來謁

宿

二十六日

寧邊府使李載完來見

二十九日發行瀆水院中火過順川邑渡江到殷

山邑

縣監李軒卿來謁

宿

三十日登淡淡亭

在殷山邑後

成川溫湯店中火渡松

灘及沸流江到成川降仙樓

府使沈相學出見

宿

四月初一日長林店中火可倉店宿

初二日陽德罷邑中火院倉店宿

初三日踰棋隣嶺高原山谷社中火院項店宿

初四日踰遠嶺高原邑中火

郡守宋圭復來謁

到永興邑

府使李命宰來謁宿

初五日到定平邑宿

初六日到咸興府

監司林翰洙出見定平府使柳翼命來謁

宿

初七日以閔北糶糶永停及北兵使移駐停止事

修送狀啓與監司登樂民樓

端川府使李容翊來謁

初八日林洞院中火踰咸閔嶺到洪原邑

縣監李起俊來

謁宿

初九日踰大門嶺平浦驛中火到北青府

兵使鄭駢澤來

見府使尹祖榮來謁宿

初十日居山驛中火至侍中臺到利原松堂驛

縣監

李敬儀來謁宿

十一日谷口驛中火踰摩雲嶺到端川府

府使李容翊迎

謁宿

十二日磨谷驛中火踰摩天嶺到城津鎮

僉使李曾宇來

謁宿

十三日臨瀛場中火到吉州牧牧使宋啓宿

十四日古站驛中火到明川府府使李基宿

十五日雲威院中火朱村驛宿

十六日永康驛倉中火到鏡城府兵使具駁宿

未謁宿

十九日翰城驛中火到富寧府府使李奎宿

二十日踰茂山嶺到古豐山鎮譯學卞春宿

二十一日到會寧府府使洪南

二十二日送照覆于中國彭光譽茂山府使趙

二十三日

高嶺僉使金寅浩慶興府使崔枝膺北虞候金洪九來謁

二十六日高嶺下乙浦中火到防垣鎮宿

二十七日鍾城府中火

府使李正來入謁

到潼關鎮宿

二十八日過永達堡柔遠鎮中火到穩城府宿

二十九日過義錢堡至黃柘坡堡中火過訓戎鎮

到慶源府

府使李熙榮來謁

宿

五月初五日議政府鎮堡變通公文來到

今四月初四日大臣政府堂上引見入侍時領

議政洪溥穆師啓即見西北經畧使魚

狀

啓則關西沿江各鎮堡之設寘為防守關隘而

現今自中國置縣撤卡則可無烽火之警且鎮堡舉多殘薄疲卒數三無足為備使地方官及付近各鎮更審形便設置若將邇禁瞭望俾專管轄恐合便耳而各鎮堡中渭原葦葦洞乾軒楚山葦山羊會碧壺葦廣坪大坡兜小坡兜小吉驛里楸仇非昌城葦大吉驛里廟洞雲頭里於汀灘朔州葦仇寧義州葦青水方山玉江水口乾川事請令廟堂稟處矣閔隘設鎮固是守險之策而沿江形便自有古今之異耳則雖其仍舊留置不甚緊要且以若殘鎮零卒顧何能

有為乎今此經畧之行必有所深識利病其十八鎮堡依狀請并革罷若乃善後方畧爛加商確俾圖經遠之規制事分付該道道卿臣處何如 上曰依為之事

初十日議政府啓下糶糶永停行營移駐永停事公文來到

節啓下教府啓辭即見西北經畧使魚 狀
啓則關北居民之巨瘼卽糶糶而六鎮等邑安撫使已令永停其餘十八邑尚仍舊制民不安居流亡甚多依關西例永停營邑之取耗需用

者並於結戶間從便排歛事請令廟堂稟處矣
閔北糶糴久為居民切骨之癩而今此狀請必
有所不得不變通者存則自今以永停施行至
於耗條之有閔支放者必給代後乃已則結戶
間從長措劃以為善後之道成節目報本府永
為遵行事分付何如 傳曰允事

節啓下教府啓辭即見西北經略使魚

狀

啓則北兵使之移駐行營實無補於禦邊緣此
責應於六鎮等邑者為弊甚多道內羣情舉願
還慶請令廟堂稟處矣北棚移駐之下慶旋行

本非大関於節制往來之際其所貽弊於六鎮
素稱無藝之苦癘矣自今行營移處使之永停
何如 傳曰允事

十四日早與慶源府使李熙榮譯官卞春植渡豆
滿江往琿春新城晤彭正郎光譽琿春副都統休
克唐阿而還

十六日聞彭正郎渡江往古珥島不遇而還

十八日過安原堡到乾原堡中火過阿山堡阿吾
地堡到慶興府宿

十九日到雄基中火入赤島觀 穆祖遺墟碑到

西水羅堡宿

二十日過造山堡到撫夷堡中火觀 德陵 安陵舊基及射龍臺還慶興府宿

二十一日阿山堡中火還慶原府宿

二十六日彭正郎光譽渡江入慶原府

二十八日黃柘坡堡中火到穩城府彭正郎及敦化知縣趙敦誠來會而宿

二十九日永達堡中火到鍾城府宿

六月初一日與鍾城府使及彭正郎敦化知縣過江踏勘而還

初二日高嶺鎮中火還到會寧府宿

初四日彭正郎入見論通商章程事

初六日議定通商章程往見彭正郎夜麻疹作

初八日彭正郎入見告別余疾甚不能往別

十三日鍾城府使來見時瘡發殊危

七月初四日從人崔奎燬自通化縣界探訪而歸

十一日自會寧府發行古豐山鎮中火到富寧府

府使具然宿

十二日輸城驛中火到鏡城府宿

兵使具駭鉅判
官李燦植入見

十九日

茂山府使趙義春慶
興府使崔枝膺入見

二十日永康驛中火到長連湖上村家宿

二十一日過看羊島到八景臺中火到明川府

李基遠
入謁宿

二十三日入七寶山開心寺宿

二十四日觀山中諸勝

二十五日阿倉店中火到吉州牧

牧使尹錫仁入謁

宿

八月初一日特陞嘉善階 傳曰上護軍趙寧夏

加資閔泳緯特陞正一品江華留守金允植特陞

正卿行護軍金蘊溥判尹除授吏曹叅議尹泰駿

叅議軍國事務魚

副司果尹憲并加資 有

政叅議軍國事務魚

今加嘉善協辦軍國事

務二單尹恭駿魚

初五日自吉州向甲山送宋岐王徐光善金善章
直向北青去與孟監役英在族侄浩善分路到大
圖嶺下上八里宿

初六日踰大圖山嶺到大同社瑞川地新卜里中火

踰九十嶺過大同倉女真德到石窟宿

初七日踰天火嶺到周樓溝甲山地中火踰銅店嶺

到銅店宿

初八日賓對政府堂上差下領議政洪溥穆所啓

行大護軍尹滋承政府堂上還差下協辦軍國事務尹恭駿魚

并政府堂上差下尹滋承仍差

嶺南勾管有司堂上有闕之代行大護軍尹秉鼎
差下何如 上曰依為之

過鎮東堡訪族人在

歲中火入甲山府

府使李民瀛入

謁宿

十一日虛隣站中火踰開德嶺渡烏梅江到三水

府

府使李圭恭入謁

宿

十三日縮光城嶺渡江踰上馬嶺到惠山鎮

僉使申鴻

均入謁

中火登掛弓亭踰祭堂嶺到雲龍堡宿

十四日踰安間嶺到舊鎮中火到甲山府宿

十五日渡虛川江到虛獐站中火踰熊耳嶺到熊

耳社宿

十六日踰鷹德嶺到地境站中火踰虛火嶺到厚

治嶺上宿

十七日到泥谷社宿

十八日入北青府

府使金命基入謁
兵使尹雄烈來見

宿

二十五日會兵使於將臺觀演兵時新募二百五

十人演技為之籌餉而給之夕金先達永秀自京

來到

二十七日仁洞店中火到洪原縣宿

二十八日德山店中火到咸興府

判官鄭基
兩入謁

三十日選宋岐王徐光善還京往見巡使

先是關北糴糴已許永停道內營邑支諺專仰
還簿乃巡到各邑與吏民講究便宜定條例給
之設社穀四萬石于南北關以脩凶荒

九月初五日奉審咸興本宮

太祖所御冠帶弓矢尚存庭有手教

盤松

初九日與巡使飲于至樂亭

十二日定平府宿

十三日金坡院中火到永興府宿

十四日奉審永興本宮及濬源殿中火到高原

郡郡守金禹宿

十五日文川驛店中火到德源府府使鄭顯宿

十七日安邊府使尹

十九日到元三榮代館所譯官下批濟宿

二十一日日本人海津三雄來見

二十六日英入羅心本日本入奧義制

二十七日以糶糶永停後營邑鎮磨鍊節目報議

政府因以事由啓聞

二十八日到釋王寺宿

二十九日南山站中火踰鐵嶺到淮陽邑宿

三十日到金城子午峴過兩宿

十月初一日到籠巨里送孟監役直向砥平去金
城邑中火到望巖過兩宿

初二日過金化邑豐田驛中火到永平梁門宿

初三日抱川松隅中火到楊州樓院宿

初四日入京西北經畧使魚中歸入來協辦

軍國事務魚加資肅拜傳曰留待傳曰

入侍入侍于重熙堂

承旨金洛鎮假注書金鴻燮
記注官金東纓別館春秋金

界均西北經
界使魚

上曰兩邊行役已多時月善為往

還乎允中曰王霸收暨無事往還矣上曰經略

令既就緒別無他事乎允中曰關北還獎之為生

民切骨之瘼聖德天大特蒙永停糶糴之澤從此

可以宣布德意使民安堵矣不勝欽仰萬萬結此

飭令永遵民可永賴矣上曰分界江以內境界

事何以為之乎允中曰豆滿江之北又有土門江

之源故臣果再遣人于白頭山分水嶺查審界限

而新定貿易章程之不明言貿易地方亦因此而

然耳上曰此地我國曾未疆理而中國亦所不

知乎允中曰其非為中國之地明甚且有援據此
高麗侍中尹瓘所設公廨鎮故地也 上曰鹿屯

島地形亦何如允中曰此本我國之地而臣到遼
山查看地形島東為流沙所積與彼地連界而島
中居民皆本國之民更無他族矣 上曰西北開

市何以為之乎允中曰義州則臣與鳳城兵備道

陳本植議定而在未經奏准故彼欲暫照舊例會

寧則與派貢彭光譽議定章程而市易則已自前

年停止民已賴之矣 上曰閔北民情何如允中

曰年來民不安土流散者相續今已豁除其為弊

於民者民當漸次還集而且此民俱有向上之義
善為導率則莫不欲為國出力捍禦外侮矣上
曰西北年形何如允中曰今年則二路均登民憂
可紓甚幸甚幸上曰卿之在外今為十朔矣允
中曰然矣

十八日兵曹叅判蒙 恩吏曹口傳政事兵曹叅
判魚 尹泰駿李起鎬

十九日兵曹叅判謝 恩

二十一日 上詣北闕王廟奠酌禮時侍衛進

還宮時代兵判

閔泳
緯

衛內進稟放仗

十一月初三日戶曹叅判蒙 恩 傳曰戶曹叅

判有闕之代兵曹叅判魚 除授吏曹戶曹叅

判魚 除授事承傳

初六日戶曹叅判謝 恩 以戶曹會計失當文

簿事踏廷議屬余查正承 命日赴本曹查簿
十五日藥房入診大臣政府堂上引見時進入侍

于重熙堂 都提調金炳國提調朴齊寬副提調李喬翼檢校待教趙東冕假洋書閣龍鎬

應植沙泉言言

檢校待教宋秉瑞徐光範並減下

十二月十二日 傳曰原任直閣魚 馳詣

顯隆園奉審摘奸仍留監祭 健陵 孝寧殿一

體奉審以來

十三日到果川邑中火水原府宿

十四日 孝寧殿奉審往池谷墓所焚黃仍詣

顯隆園奉審摘奸詣 健陵奉審還詣 顯隆園

監祭夜還水原府宿

十五日復 命傳曰奉審閣臣入侍入侍于重熙

堂

右副承旨韓圭高假任書權榮洙別兼允中奏春秋尹吉求金昇均原任直閣魚

曰臣永命馳詣 顯隆園園上奉審則安寧碑閣

丁字閣奉審則無頌祭物祭器祭井看審則精潔
諸執事摘奸則無頌仍詣 健陵陵上奉審則安

寧碑閣丁字閣奉審則無頌仍詣 萃寧殿殿內

奉審則安寧還詣 顯隆園仍留監祭將事安寧
之意敢達矣 上曰陵上園上殿內俱為太平乎

允中曰太平矣 上曰碑閣丁字閣亦無頌乎允

中曰無頌矣 上曰何時將事乎允中曰三更量

將事矣 上曰先兩後雪於兩麥果無妨乎允中

曰臘前三白有益於三農而此時頻雪可占來歲

之豐矣 上曰日寒如此往返果無頌乎允中曰

無事往返矣 上曰往返路由何處乎允中曰從
果川矣

二十九日都政同經筵蒙 恩魚 李起鎬金

玉均

三十日同經筵謝 恩除夕問安進

					三十	二十	二十	二十	
--	--	--	--	--	----	----	----	----	--

甲申

上之卽位二十一年三十七歲

正月一日賀班進

十三日上詣

永禧殿展拜時進

十六日同經筵初度呈辭還出給

十七日同經筵初度呈辭給由

十八日同經筵再度呈辭加給由

傳曰許遠

二月十二日有政同春秋蒙恩魚

徐臣輔

南廷哲

初七日同春秋謝恩

初八日東宮生辰問安進

三月初二日同春秋初度呈辭給由

初四日同春秋再度呈辭加給由

初六日同春秋三度呈辭進差

十八日 皇壇祭 親行時進

四月初五日 上詣毓祥宮展拜時進

五月初九日西北經畧使減下軍國衙門啓曰西界

邊市會商既已告竣復命且久戶曹叅判魚

所帶西北經畧使之啣減下何如 傳曰允

十二日 景慕官夏享 親行時進

六月十三日吳提督長慶致祭時進

吳長慶移軍在旅順金州口軍中病卒設位祭之

十八日 純祖誕辰茶禮進

十九日往西江行法聖倉漕船點檢

二十五日 傳曰原任直閣魚 馳詣 健陵

奉審摘奸仍留監祭 顯隆園奉審殿一體奉審

以來

二十六日宿華城府

二十七日 萃寧殿 顯隆園奉審到 健陵奉

審仍留監祭夜宿龍珠寺

二十八日復 命傳曰奉審閣臣入侍入侍于重

熙堂

左副承旨柳芝榮假注書金東柱兼春秋李禧龍別兼春秋閣正植原任直閣魚

允中奏曰臣承

命馳詣

健陵陵上奉審則安

寧碑閣丁字閣奉審則無頃祭物祭器祭井者審則精潔諸執事摘奸則無頃仍詣顯隆園園上

奉審則安寧還詣

健陵仍留監祭將事安寧之

意敢達矣

上曰

陵上園上殿內俱為太平碑

閣丁字閣亦無頃乎允中曰周行奉審則俱為太

平矣

上曰何時將事何時發還乎允中曰三更

量將事而撤亭後旋發矣

上曰沿路農形何如

允中曰今年雨水豐足所經不過百里而目下年

形大有豐饒民情果欣悅矣

上曰積潦之餘近

久不雨倘無惜乾之慮否允中曰雨澤雖曰稍久
別無待雨云矣 上曰從何路作行乎允中曰自
果川往返矣 上曰江水之漲溢近則何如耶允
中曰江水依舊渡涉不難矣

七月十八日 憲宗誕辰真殿茶禮進

二十五日 大殿誕辰問安進

二十九日有政禮賓提調副擬金永壽魚

八月初一日受 東宮賜饌

以坤殿還御三周年也

初十日 宗廟 永寧殿秋奉審進

戶判頃稟教以次堂進

十九日有政同義禁蒙 恩魚 徐臣輔金完

旁

二十一日同義禁謝恩

二十七日 宗廟 永寧殿修改時進

九月初四日戶曹叅判初度呈辭還出給

初五日戶曹叅判蒙遞戶曹叅判魚 初度呈

辭入啓給由 傳曰呈告同義禁戶曹叅判許遞

今日政差出

十七日往禁府閑坐

同義禁李應夏會坐
金志均李教七捧供

二十三日同義禁初度呈辭還出給

二十四日同義禁蒙遞同義禁初度呈辭入啓給

由傳曰呈告工曹判書藝文提學知經筵知春秋同義禁在外同成均敦寧都正許逵今日政差出

二十五日 中宮殿誕辰問安進

十月初六日尋鄉

往安城

協辦軍國事務魚

上

疏大繫有事先攏徑尋鄉路乞被擅離之罪以肅朝綱事呈政院還出給

十九日聞京城亂耗

二十日曉奔赴京城

傳曰大同堂上有關之代

前叅判魚

除授

二十二日入京往下都監

素世凱
軍中

行在所奉慰

上前政府有司堂上差下議政府啓曰本府有司
堂上二員有闕李鎬俊洪鍾軒有身病減下其代
兵曹判書金允植行護軍金昌熙嚴世永前叅判
魚差下使之案任何如傳曰允

本月十七日夜郵征局

提辦洪
笑植

設宴邀本國宰

臣及各國公使

日本公使竹添
進一郎不來

酒半火起牆南

人家閔泳翊

本營
使

韓圭稷

前營
使

李祖淵

左營
使

俱

在座為救火先起泳翊先出有盜揮劍迎擊被
刺還仆于堂坐客皆踰牆驚散金玉均朴泳孝

徐光範奔入闕中告亂補清兵作亂犯闕請移

御避之並請日本公使入衛乃逼還于景祐宮

各殿官皆步從外朝漢未聞之至永肅門王均補有進獻預請

門閑砲聲起局出身廳王均等復請召日本公使

仍書日使來衛四字飛送日本公館時在校洞上

至景祐宮日兵已至傳語官淺山顯藏導竹添

進一郎進謁徐載弼率士官生徒十三人前往日本

學習兵學者八衛派守官門禁止出入尹恭駿後登使

入宿禁中而追至其翌曉李祖淵韓圭稷自外

隻身投入王均等嘆生徒引去並殺之矯旨召

閔台鎬趙寧夏閔泳穆次第殺之又斬中官柳
載賢於堂前乃擅行差除金玉均為承旨惠商
公局堂上戶曹叅判朴泳孝先為前營使兼察
後營使左右營使左右捕將徐光範為承旨外
務衙門協辦兼前後營使徐載弼為後營正領
官洪英植先為左右營使右捕將復拜右相遷
燧尹致昊為外務衙門叅議朴泳教為承旨旋
陞都承旨尹雄烈為刑曹判書李載元為左相
李載完為都承旨仍兼曹兵曹判書 上復移御
于李載元家時百官軍民咸聚洞口莫敢入御

饕供奉亦不得進止是日晡上請於日本公
使還宮日兵與玉均等猶守衛不輟金允植除
禮判不謝性議于索世凱十九日授書日本公
使請退兵而不見報索世凱欲得我政府請援
邀沈舜澤不至乃分軍入關吳兆有張光前從
宣仁門索世凱從敦化門右營領官申泰休領
兵隨之玉均等知清兵至與日兵鳴槍拒之畧
有死傷上方臨殿行賓對避于後苑日兵知
不能支從永肅門整隊而出歸館堅守玉均泳
孝光範載壽走向仁川英植泳教從上至此

關王廟 妃嬪世子從惠化門出到城北洞轉
至蘆原沈相薰終始護從廷臣及清兵不知

上之所在懸賞求之而覺知吳兆有引兵往迎
英植牽御衣止之於是武藝別監及泮別抄入
衛扈 駕而出所英植誦教殺之 駕到吳兆

有營房從官始稍集城中軍民讐視日人遇輒
殺之毀其所駐營房並破玉均等第宅二十日

上移御于下都監袁世凱營房日兵自公使
館自焚館宇而出向仁川去沿路放槍男婦多
死始復舊政拜金弘集金炳始為左右相沈舜

澤復拜相職為領議政金允植拜兵曹判書李鳳九拜後營使李教獻拜前營使李奎奭拜左營使趙秉鎬拜外務督辦出送仁川與日本公使講理王均泳孝元範載弼等投入日本

二十三日往顯眉亭王大妃殿問候仍往覺心

寺

李判書景夏郊庄

王大妃殿中宮殿世子宮

問候而歸兵曹口傳政事護軍魚同義禁蒙

恩傳曰金吾堂上有闕之代前望簞子入之

同義禁魚落點是日上還御昌德宮同義

禁謝恩時原任大臣閣臣八侍時進

二十四日還御翌日問安進 大王大妃殿 王

大妃殿 中宮殿 世子宮 世子嬪宮還御時

祇迎後問安進 自是日赴禁中
更日直宿

十一月初七日戶曹叅判蒙 恩 傳曰戶曹叅

判有關之代前望簞子入之魚 落点戶曹叅

判謝 恩

二十三日 傳曰有司堂上輪回入直

三十日 上御熙政堂行常叅下別諭時進

十二月初七日同義禁蒙進 傳曰金吾堂上並

許進前望簞子入之

十三日戶曹叅判魚

上疏大槩才既不稱職

難久曠敢陳必辭之義冀蒙亟遣之恩事入啓疏
曰伏以臣本不材不足以備任使之末凡有幹當
雖欲矢心直前殫竭駑鈍動輒得謗事竟蔑效此
聖鑑之所深燭輿論之所公傳也竊欲退處閑
地得以優遊自適不意於月前授臣以惠局提舉
政府有司之任時值廢故急于奔趨不敢辭遜
勉就職夫管金穀之贏絀叅訏謨之密勿非夫夫
之所在昔無事之時惟難其人必擇一時碩輔
才猷足以濟事聞望可以服衆者而處之況今存

經多難國步杌隉以言乎政府則百僚失職庶事
皆隳廢虞頌洞匡濟無策以言乎惠局則貢賦多
滯封樁俱虛支調不繼軍民失哺此正危急存亡
之秋也曩者 聖諭深軫治要辭旨懇摯規模宏
遠君臣上下亟宜洗心易慮振紀立政續幾墜之
天命收已散之人心不宜循常蹈故復尋前轍也
凡搃裁庶務自有體國之大僚而朝夕承辦其責
亦重豈容如臣空踈慙妄而廁跡於其間哉至若
小司農之職雖是宿所已試無效亦不當一向虛
糜徒增罪戾伏乞 聖明俯賜鑑諒將臣本兼諸

職并許鑄免置臣冗散俾得隨分自效實公私幸甚

答曰省疏具悉此時此任何可輕違卿其勿辭行

公

十九日時原任閣臣承候入侍時進

上候平復也

二十三日 上徃南別館接清國欽差大臣吳大

澂續昌時進仍與為別

三十日除夕問安進

三十日

所計

二十三

十

十

十

十

十

乙酉

二
年
上之卽位二十
三十八歲

正月初一日正朝問安進

初三日䟽進戶曹叅判戶曹叅判魚

上䟽大

繁敢陳情實冀蒙鑄進事入啓䟽曰伏以歲籥載
新百祿鼎鑄賀儀纔舉三慶咸湊歡欣蹈舞大小
同情仍休念臣之見帶諸職罔非緊要頃進辭䟽
冀蒙閱許誠淺辭拙竟斬允俞且愧且悚不知所
處乃復冒羣議而彈束趨走者亦已數旬矣竊惟
臣孤露為命無父母兄弟之樂貧窮是甘之榮寵
奢萃之欲所願乎此生者不越乎盡忠于君父不
擇夷險惟義是視彈力竭蹶而用彰厥施于民已

耳每於除命之下未嘗辭遜視若倘來與患得患
失者無以異焉矣今臣所叨苟有一分堪承者臣
豈曾冒入文字冀賜鐫免哉且臣之求解職名非
欲效古人高蹈遠引之跡旣以隨分自效仰陳於
前疏之末矣倘使臣辭要津而處閑地得以益讀
古人之書深究當世之務則安知不異日藉手圖
報得遂此生之願也茲敢更暴情實仰瀆崇嚴伏
乞聖明察臣言之非出飾讓念天職之不可虛
糜亟竢臣所帶戶曹叅判惠局提舉政府有司之
任俾便公私不勝幸甚

答曰省疏具悉本兼諸務何可并解所辭中戶曹
叅判之任依施

初四日兵曹口傳政事付護軍

初八日貢市堂上差下傳曰明日還宮時貢市

堂上牽貢市人待令于月觀門外議政府啓曰貢
市人詢瘼有命矣貢市堂上一負見方有闕金有
淵有身病改差其代戶曹判書金永壽行護軍魚

差下何如傳曰允

初九日大殿王世子詣宗廟景慕宮展

謁時進傳曰貢市堂上牽貢市人入侍入侍于

月觀門外捧納所懷

十七日

大殿各

殿宮移御景福宮

王大妃

殿陪從閣臣望蒙黜進仍各

殿問安

十八日

上詣昌德宮真殿

御真移奉及酌獻

禮時進仍各

殿問安時原任閣臣承候入侍時

進

二十二日

王大妃殿誕辰問安進

二十九日

世子宮疹候平復陳賀時進

二月初八日

王世子生辰問安進

十三日護軍魚

上疏大槩申控稟懇冀蒙恩

諒事入啓疏曰伏以臣於月前荐控情實冀獲任
解職名及奉批旨只通司農之職惠局政府之
任仍而不改此乃辭閒而據要也人之議訕何辭
可辨宜卽更事呼籲斷格聽卑之天而連值事會
泯默而未敢言私夫朝家之建官授職其意豈徒
然哉宜惟其人而責其成耳自臣立朝常見居臣
之職者苟非望實俱隆亦必處地有別顧今以臣
視臣其不可冒據也審矣且臣膺是職今已閱歲
矣蓋藏依舊枵然而軍民胥咨機務一任解紐而
中外未靖其無裨補也明矣從前而臣非其人由

後而又蔑報效臣安敢徒貪寵祿而不知止貽累
我殿下綜名核實之政我竊惟匪據之悚不材
之實斷不可荏苒蹲冒而又有區區情私之不容
不仰煩者臣有息女定期逼人請暇往視典例所
載往還鄉廬可費旬日亦何可擅自請由重添糜
曠之罪伏乞 聖慈深加照察將臣所有無務併
許鑄免俾幸公私不勝大願
答曰省疏具悉重任何可輕違卿其勿辭從便往
來

三月十五日 大殿 王世子詣 永禧殿酌獻

禮時進

二十日藥房入診大臣政府堂上引見時進入侍
于

四月初六日被 謹削之典宣惠廳啓曰正賦法
意何等嚴重而近來畿甸幾邑之限年請代雖出
於恤民目下經費之窘絀亦涉可悶驪州南陽外
許代各邑并令以時價代納以為一分牽補之地

何如 傳曰就議廟堂議政府

領議政
沈舜澤

啓曰頃因

畿伯狀請竹山等七邑結稅限年詳代之意覆啓

蒙允而卽見惠廳草記驪州南陽外許代各邑并

以時價代納為辭矣國計艱絀孰不憂悶然而軫

念窮節亦由不容不已者則廟堂斟酌豈下於掌

賦之臣而該廳之直請區別擅自存按事體乖損

莫此為甚該堂上魚

施以譴削之典何如

傳曰允是日自禁中直所直出彰義門外宿向往

安城鄉廬

十九日

傳曰宣惠堂上有闕之代大護軍李喬

翼差下

五月初一日刑曹叅判蒙 恩 傳曰秋判外刑

曹堂上並許連前望單子入之叅判魚 添書

落點叅議尹吉求落點政院啓曰新除授刑曹叅

判魚 方在謹削中何以為之敢稟 傳曰蕩

滌叙用

初七日陳䟽京畿監司書目安城呈以刑曹叅判

魚 上䟽上送事啓䟽曰伏以臣頃於縮伏省

愆之中伏奉刑曹叅判除旨前望添書蕩叙絀下

此實異數迺逾常格臣聞命驚惶不覺感淚之被

面也伏念臣之前被論責方受以為罪何容費辭
為辨惟是踪地之難安東實之未暴者亦不敢有
隱於君父之前伏願垂察焉臣曩荷謬恩待罪
惠局任重才薄宜其愆誤日積顧其官則古治粟
內史也竊以為今日國計之艱絀亦由稅政之失
宜欲理邦賦宜自畿甸始畿邑即禹貢所稱賦納
揔之地民出粟米以事其上乃其職耳舊章改仍
之間經費之盈虧係焉然而廟啓既請代錢矣欲
因是斟酌廢為率補之方止竟大僚論奏獲承鑄
削之典愚不知量事由自速國綱以之隳壞朝體

以之虧肩臣滿心慙盛退處荒野自分永棄苟全
軀命曾未匝月遽紆殊眷是誠 聖念復記簪履
不忍終於廢置也在臣感鏤固宜跼蹐而捫心撫
跡莫由移步者蓋廉防之囚或違越也區區自畫
株守莫變茲從縣道猥陳東懇伏乞 聖明深加
矜諒亟令選曹刊名仕籍俾得安分屏退以卒終
始之澤焉

答曰省疏具悉遂事何必如是為引卿其勿辭行
公

十二日刑曹叅判蒙通 傳曰秋判判尹外法司

堂上並許逋前望單子入之當日有政兵批付護軍

六月十一日有政漢城府右尹蒙恩魚徐

相雨趙文永

吏判李秉文改

二十六日右尹蒙逋傳曰京兆堂上并許逋令

日政差出兵批付護軍

十月初二日承旨蒙恩承旨前望魚落熙

直書下吏曹行左承旨魚

廳病稟未肅拜

十三日左承旨蒙逋傳曰左承旨許逋前望單

子入之

十五日政府堂上還差大臣政府堂上引見入侍
時領議政沈舜澤兩啓行護軍南廷益同知尹成
鎮協辦內務主事趙準永前叅判魚 並政府
堂上還差知敦寧李世宰大護軍趙秉鎬朴瑄壽
鄭海崙閔泳商李淳翼工曹判書尹宇善大護軍
趙康夏并政府堂上差下行大護軍洪祐昌京畿
甸管尹宇善關東甸管差下協辦內務府事李喬
翼貢市堂上差下何如 上曰依為之

二十一日有政兵批付護軍
二十六日左尹蒙恩傳曰京兆堂上有關之

代前望單子入之左尹魚

落點

二十八日陳疏左尹魚

上疏大槩敢陳衷懇

冀蒙鑄斥事入啓疏曰伏以臣屏伏荒野今已半

載矣心雖懸於魏闕念已灰於榮途間嘗再三奉

有除命逋慢在外未曾趨謝伏念臣其性愚其才

劣雖使無故在朝決知不足有所報效况在已退

之後其於難進之義量之已審計之已熟若使復

入朝端必將動輒違忤滋生事端實於國無所裨

補矣顧今羣彥濟濟位著已盈剝容一个逋臣於

畎畝得與老農為伍隨意偃息即天地父母曲

全之德至若彈冠束帶張皇奔奏非臣之願也臣
頃自鄉廬冒赴賀班暫入都門不意日者復有漢
城府左尹之命感激愴怛非榮伊懼未敢知 殿
下奚取於如臣狂妄而荐有此誤恩也竊揣 聖
心仁愛曲軫簪履之舊不欲其終於廢棄也每有
一番除旨徒增一番罪戾而已輒敢昧死仰瀆於
崇嚴之下臣言非飾臣情已苦伏願 聖明俯垂
鑑諒亟遣臣本職仍令削置臣名於朝籍之外使
之獲全軀命自遂微諒則在朝廷無累則哲之明
在臣身曲被迺眷之仁寔公私之耦幸耳且臣身

雖退葵藿自可向日犬馬亦常戀主豈敢妄效高
蹈遠引之跡至於時節起居可以時常往來粗輸
微悃矣惟 殿下憐而許之

答曰省疏具悉已諭前批何可如是支煩卿其勿
辭卽為肅命

十一月初一日左尹謝 恩

十七日冬至問安陳賀權停禮進

十九日 上親臨勤政殿 大王大妃殿議號

欽
倫

簞子 親受進箋時進

三十日有政降付右尹差 宗廟朔祭獻官受香

詣 宗廟將事還

十二月初六日 大王大妃殿誕辰問安進右尹

謝 恩

二十五日右尹蒙進 傳曰判尹外京龜堂上并

許進今日政差出兵批付護軍

三十日除夕問安進

三十一日 晴 閑坐

有客來訪 入堂 與之談話

二十一日 晴 閑坐 與客談話 午後客來 談話甚久

二十日 晴 閑坐 午後客來 談話甚久

十九日 晴 閑坐 午後客來 談話甚久

十八日 晴 閑坐 午後客來 談話甚久

丙戌上之卽位二十三年三十九歲正月初一日 親臨勤政殿

大王大妃殿將躋八旬極慶陳賀時進

初二日有政左尹蒙 恩望魚張世容 朴周陽降付

右尹

初四日右尹謝 恩

初八日 親臨勤政殿 大王大妃殿上冊寶及

受賀時進

十三日有政陞付左尹

二十二日 王大妃殿誕辰問安進左尹謝 恩

二十九日 上詣 宗廟 景慕宮永禧殿展謁

時導駕進

二月初一日吏曹口傳政事降付右尹

初六日有政陞付左尹

初八日王世子生辰問安進左尹謝恩

二十七日差城隍焚告祭獻官受香詣南壇將事

二十八日有政吏曹參判通望李啓魯李根命受

金元性閔泳奎趙定熙魚

吏判閔應植

三月初一日差厲祭獻官受香詣北壇將事

初十日判尹李寅應綿機出禁衙隸藉禁侵案科

儒領相奏施謹罷陳章乞勘左尹魚

上疏大

繁短章自劾乞被同勘事入啓疏曰伏以臣自上
年以來久擬京兆之職乍遷旋授陞降相仍有若
非此莫可者然臣自知無所報效惟恐愆尤之日
積廼於日者大僚執奏府隸藉禁條侵索科徭聽
聞甚駭謂該堂上常時不能採飭請施譴罷之典
臣且惶且恐直欲歸身司敗同被嚴勘先使府吏
促納現告小箠喉司之臣乃不諒此謂臣非出禁
堂官退還現告臣於是情愈感焉顏愈駭益無措
躬之所美臣與判堂雖有長貳之別均為府堂則
條令之弛張耳所與聞徒隸之管束亦有其責臣

何可偉邇於應勅之科乎且以相臣奏辭緊之不
以出禁為罪以不能採飭為目則出禁雖諉於長
僚不能採飭之失實無異同臣何敢晏然自揜不
思所以自劾乎茲敢陳章暴實仰瀆 崇嚴伏乞

聖明俯垂鑑察亟賜 處分使臣同被威罰以
安徽分以警具僚焉臣無任惶恐戰慄之至

答曰省疏具悉不必如是為引卿其勿辭行公

二十六日降付右尹有政陞付左尹

二十七日左尹謝 恩 上詣毓祥宮冷泉亭展

拜時進

四月初九日被大司諫許稷疏誣疏曰伏以臣地
本疎賤村又前劣自度無用於世而聖朝無棄
廁跡縉紳輒到緋玉恩眷如天圖報無地撫躬慚
惧寤寐靡懈廼者微院除旨忽下旅寓陞伏之中
臣聞命出肅連日聯啓而誠力淺薄未能上格天
心尚未蒙俞音臣瞻悼骨豎五內失守罔知所指
夫臺諫之任衆職有關則繩愆糾繆天討未行則
披肝碎首乃其職耳夫何挽近以來亂逆之變無
歲無之紀綱掃地國論日非盜賊遍野民生困瘁
言路壅蔽輿情齟齬如此而面折庭諍寥々無聞

則安用此基諫為哉如臣無似固不足備責在其間而粗具彞性則有之矣愚東所激按住不得冒死一獻惟聖明不以狂僭而罪之猛如省察焉嗚呼天下無：亂之國：無：逆之國然而其所以制亂而安之討逆而順之惟在人君措處之如何今我 殿下過於仁愛過於包荒當討而不討當覈而不覈荏苒疑惧之際奸邪陰釀禍機愚氓轉信訛言國勢机樞以至下不得言上不得悟則安知異日不有如辛巳壬午甲申之變乎 殿下天也位曰天位刑曰天討 殿下之年来刑政果

合乎天心否乎臣不敢知也痛矣痛矣王均等諸
賊有天地以來所未聞見者而變出倉卒仍卽失
捕匿跡漠外計無斯得刑無可施故忍憤度了至
若族親之可錮者可孥者可籍者恐或有踈矣且
英植泳教之骨方在 殿下之土矣雖骨豈可片
刻容貸乎伏乞 殿下亟降處分英植泳教剖棺
而斬之覈其黨而錮其姻親明示大義於天下萬
世焉噫當日之變神人之所共憤而為臣子者欲
死之日也雖嚼其肉而啖其肝尚有餘憤矣以生
徒言之漏網者亦多所謂受斃者置之勿問是果

罪止其身而然耶又有骨戰心驚之事泳孝父之
死也有出力而掩埋之人王均等之逃也有殺書
而連通之人若此輩皆與王孝諸賊一而二也二
而一也是乃通朝之所共知而相顧含默尚貸一
縷於天日之下者九萬：憤惋也其時入政院傳
布賊令之中箕善為鷹犬暗助諸賊之廢光國等
尚無一言而掩過則是可曰國有常憲乎因此而
紀綱漸頽逆類無畏又有此申桓鄭完默吳友泳
三月二十九日傳曰行已鄙悖宅心陰秘與訖
造訕無非樂禍之意聽聞甚夥不可仍置護軍申
桓使以別營前兵使鄭完默前檢韓鎮泰四月
書官吳友泳并遠惡島定配傳曰

賦性陰秘行已滿雖諺訓朝廷感人心聽聞
及不可仍置司司果韓鎮基達聖地之龍初玉
日因臺臨申節吳加施之類臣與諸臺聯劄合啓
圍籬安置韓加施島配之類臣與諸臺聯劄合啓
未蒙處分然天理收在罪難終逃聖令王府並設
鞠得情則其根可拔其源可塞伏乞聖明採納
焉且夫京鄉大賊之蔓延者舉皆亂賊之餘黨而
逃散四方暗結土著之黨禍者仍作窩窟漏言者
殺之有錢者奪之蓄其兇械行其軍令凶計所在
不難知矣形跡雖已露出而守宰莫敢下手居民
畏若虎狼如是而不及令勦滅則未頭之患將不
知至忙何境矣目今國勢之度業人心之浮動職

由於忠逆之不明盜賊之滋蔓伏願 殿下淵然

深思廓揮乾斷盤戢逆黨而鋤治不貸以清朝廷

搜摘賊窟而滅盡無餘以鎮民心焉

初十日 答大司諫許稷疏曰爾之所論列可知

出於公憤當有處分矣

十一日與廣州留守金允植送出城外崇禮待罪門外

兩司聯名大司憲徐相祖執義慎錫九掌令金芳

諫白南洙獻納金在鼎劄曰以申桓等諸罪人事

冒犯瀆擾之罪敢效沫飲之忱齋悚存願誠沒辭

拙歷屢日而尚未蒙俞旨臣等相顧愕然方切憂

歎除弘大司諫臣許稷副司果臣李在祐相繼陳
疏及伏見批旨下者若曰出於公憤又曰可見
憂愛之誠繼降申箕善洪晉將李道宰安宗洙廢
光國並姑先遠惡島安置之命臣等奉讀未半自
不覺抑塞憤惋之至夫行天討伸王章卽天之經
地之緯而倘或少忍國不為國人不為人也明矣
噫彼王均等諸賊窮天地亘萬古所未聞所未見
之極逆大慙也出沒層嶺外托周旋國事締結異
類內實醞釀凶謀變出倉卒畢竟漏網匿形海外
跟捕無計環東土圓顧方趾之類孰不欲食其肉

而寢其皮哉英植泳教鬼誅雖已先加邦刑尚未
決施烏得免剖棺斬屍之律乎在逃與徑斃諸賊
之族親姻戚應坐者以法從事明示大義於天下
後世焉又有骨戰膽掉之事泳孝父之死也出力
掩埋何為匍匐而相救玉均等之逃也裁書連通
可知聲氣之相應此輩之晏若無故豈非失刑之
大者耶且玉均之所后父金炳基曾以侍從臣父
陞通政階而變出後罷歸本宗而仍其爵秩此何
倫理卽為削奪恐合事體焉凡討逆之道鋤治其
黨與毋使強羽醜類寔繁其徒然後可無種下生

種之患而在再度了置之勿問郭三年才疏矣綱
紀雖曰日顧倫常雖曰日素是可曰國有常憲乎
所以申桓諸賊輩安得不接踵而起哉刑政失中
分義由是壞損隄防不嚴亂逆無所畏戢今此處
分離出於大聖人好生之德其於公議何哉申箕
善洪晉游李道寧安宗沐慶光國負犯如彼關係
如此何可安置而止也職忝言地愚秉所激義難
泯默相率聯籲冒瀆崇嚴伏乞 聖明俯循羣情
亟賜允從並令王府設鞠得情夫正邦憲焉云云
承孝父之苑以下十七字閱應植送托大司憲
徐相祖請改去而不聽大臣王堂聯劄則不及

十三日兩司合啓院前啓入啓兩司合新啓噫嘻
痛矣申箕善洪晉游李道寧安宗洙慶光國之罪
可勝誅哉渠以世祿後一裔或早登仕籍或常調蔭塋
受國厚恩山海崇深欲報涓埃糜粉磨放不足喻
其萬一也夫何梟腸獍肚素蓄負國之性蛇盤蚓
結敢售數倫之心千罪萬惡人類之所不齒至凶
絕惡舉世之所共知噫王均等諸賊覆載之間曷
刻難貸之近也八域含生不欲共戴炊骨噬肝不
足雪其憤痛也此輩以無共憤之心乃有陰附之
迹為鬼為蜮潛通溟海之隱賊相唱相和煽動草

野之羣盜秘護之意雖不顯於色辭暗售之計乃
如見其肺腑結為黨與締結之形迹其掩視同骨
肉詭譎之情節畢露與綢繆而相應安危攸係卒
爛熳而同歸首從何別蓋其所犯凶逆與王均等
一而二也二而一也拖到三年尚此假息其可曰
國有三尺乎且英植泳教之頭領何敢安保於地
下亟施斬屍之律以洩神人之憤焉已斃在逃諸
賊姻親族戚之應坐者置之勿問要若無故則人
主法天春生秋殺之意安在我竊有可驚可駭之
事泳孝父之死也出力掩埋王均_等之逃也裁書連

通自有其人而臣等愚昧雖未能指的誰某其負
犯之大關係之大何如也刻期查得明正其罪斬
不可已臣等即伏奉聯劄批教若曰極係張大或
涉點昧并不允罪人申冀善洪晉游李道寧安
洙慶光國并加施圍籬之典臣等相顧慙貽不覺
抑塞忿鬱之至今此處分寔出於包荒納污恢廓
聖度臣等非不仰揣非不欽祝國有閑和上不得
低昂下不得奉承漢法之不敬春秋之無將未有
甚於此也防微杜漸猶其可慎按本塞源寧或
以忽此而不鉤覈鋤治未知何據禍機伏在何地

臣等敢效明張之義聯陳沫飲之忱請呂島安置
罪人申箕善蛟島圍籬安置罪人洪晉游古今島
圍籬安置罪人李道寧馬島圍籬安置罪人安鍾
洙智島圍籬安置罪人慶光國并令王府設鞠得
情正正邦憲焉

荅兩司曰不允申桓鄭完默吳友泳韓鎮泰等事
已有處分煩今此懲討可見與情之同得圍籬
安置罪人申箕善洪晉游李道寧安鍾洙慶光國
并施加棘之典 荅院曰不允

二十九日 傳曰左承旨許通前望車子入之魚

落點吏曹左承旨朴周陽右承旨魚

五月初一日政院啓曰行右承旨魚

今日不

為仕進即為牌招何如 傳曰允承牌不進

政院啓曰行右承旨魚

謂以情蹤惶感奉牌

城外無意承膺何以為之敢稟

傳曰嚴飭入來

初二日政院啓曰行右承旨魚

嚴飭之下謂

以情蹤去益惶感萬難承膺何以為之敢稟

傳曰更加嚴飭即為肅命

初四日政院啓曰行右承旨魚

謂以飭極截嚴

情蹤轉益惶感無意承膺何以為之敢稟

傳曰

屢度申飭終不承膺是何道理下義禁府推考

金吾門外待命政院啓曰右承旨魚下義禁府推考

事命下矣依定式通差傳旨捧入之意敢啓傳

曰禁推分揀仍任前職即為牌招嚴飭肅命

自金吾門外還出

城外

二十五日以司謁傳口下教曰廣州留守金允植案

飭之下終不受符右承旨魚尚不肅命是何

道理令政院更為嚴飭受符肅命

三十日政院啓曰今日勅駕景祐宮移建御時真移奉過閣

承旨當為備負行右承旨魚未肅拜何以

之敢索 傳曰許通前望單子入之

七月十八日 傳曰左承旨許通前望單子入之

魚 落點直書下吏曹行左承旨魚 傳

曰督辦交涉通商事務金允植左承旨魚 屢

度嚴飭之下許久撕捱尚不出膺分義道理寧容
若是令政院并即牌招使之入來甬命如有違牌
勿為呼望

十九日政院啓曰行左承旨魚 謂以情踈惶

感奉牌城外無意承膺何以為之敢索 傳曰嚴

飭入來即為甯命

二十三日 傳曰廣州留守金允植左承旨魚

稱以情踪惶感屢次嚴飭之下尚不承命是何

道理其引義委折招致啓板前問啓以入承 命

入政院是夜政院啓曰廣州留守金允植行左承

旨魚 招致啓板前問啓以入事命下矣問于

金允植魚 則以為臣等前大司諫臣許稷䟽

中有咏孝父之死也有出力掩埋之人之語其時

掩埋者即臣等也罪狀已著臺論方張何敢以姓

名未露晏然居職乎只有惶恐候勅云矣敢啓

傳曰知道屢下敦飭一向相持此果力抗乎角勝
乎為人臣分義之所不當然而當初臺論既無指
斥則尤無可以處義之端并更嚴飭肅單即速捧
入

在院承旨趙臣熙鄭
寅興徑出達春門外

二十四日左承旨魚

上疏大槩敢陳惶蹙之

狀冀蒙威罰事入啓疏曰伏以臣冥行妄作自速

罪戾閱三年而不自知前大司諫許稷疏出而臣

之乃著矣雖聖度包荒同朝忠厚姓名不登白簡

誅罰不及於身何敢殿然自揜不思所以自首乎

席藁城外祗俟天討今一百有日矣不意恩除屢

降敦飭備至至承問啓之命恩教嚴重是誠 殿
下援之斧鑕之下賓之衽席之安也跼高踳厚無
以為謝 臣之為罪即泳孝父掩埋之事也本事既
登聲討之章不可謂無所指斥 臣宜甘伏其辜其
若混歸於王孝諸賊之類如疏辭云云則 臣誠痛
心砭骨期欲對吏納供暴露肝肺於天日之下及
今嚴旨荐下情踪愈感不得已冒死首實伏惟聖
明垂察焉噫王孝諸賊不幸出於簪紳之列逆鄰
未發之前人莫不駢肩接武於班聯之際及夫事
發之後即舉國婦孺之所同讐也孰不欲食其肉

而寢其皮也臣亦於討逆等事炳炳義憤自謂不
後於人豈欲樹私恩而收埋其父乎臣於甲申冬
方在鄉廬聞變赴難於行在猥與宰樞辦務禁中
時經大變宜先肅清都下橫途屍首并令昇埋朴
元陽夫妻在家物故無人收埋臣於元陽非特為
童年問字之誼不宜使凶穢之物久淹宮闈近地
且斷以國律既不在暴屍傳首之科助給錢兩使
之昇出宣言公座不敢自隱是臣之罪也是臣之
罪也顧臣遭罹非他人因細故被讟者比聖恩雖
滌於拂拭臣罪莫逭於自作臣情到此轉益危兢

伏乞天地父母亟令有司議臣當勅之律以嚴邦
憲以謝物議焉。

荅曰省疏具悉卿不見問啓之批乎既開釋之而
又此撕捱前後飭諭便歸之尋常是何臣分勿復
深引即為肅命

二十五日復出城外政院啓曰行左承旨魚
今日不為仕進即為牌招何如傳曰允承牌不
進推考傳旨捧入

二十六日傳曰判尹外京兆堂上并許通前堂
車子入之左尹張錫龍右尹魚落點傳曰

臣無任云云 荅曰省疏具悉既洞然開釋而又
此陳章獨不念分義之重乎其勿逡巡即速爾命
傳曰右尹魚 疏批已下更為牌招如有違牌
勿為呼望 謝恩廣州留守金允植右尹魚
八月初二日右尹魚 水原臨陂等地掃墳呈
辭入啓給由

初四日右尹魚

掃墳事水原臨陂等地出去

初六日 傳曰判尹外京北堂上并許通今日政
差出右尹蒙遞兵批付護軍

九月初三日護軍魚

掃墳後入來

十四日差 宗廟望祭獻官夜將事還

二十五日 中宮殿誕辰問安進

十月十四日差 景慕官望祭獻官夜將事還

十一月十五日吏曹叅判前望車子入之魚

落點政院啓曰政官牌招開政事 命下矣新除

授吏曹叅判魚 一體牌招何如 傳曰允承

牌謝恩行政

二十二日大臣下批政事承牌不進

二十五日 傳曰政官牌招開政承牌不進

二十七日冬至陳賀權停禮進結照堂行禮進

翼宗大王追上尊號 大王大妃殿加上尊號都

監堂郎遷出事開政進 翼宗大王追上尊號

享道成 大王大妃殿加上尊號 弘議號時賓廳

進議號後問安進 親臨勤政殿百官進箋親受

時進

十二月初九日呈疏吏曹叅判魚 上疏大聚

職既寢曠情又切至敢控衷懇冀蒙恩諒事入啓

疏曰伏以臣於前月中伏蒙前望恩點授臣以吏

曹叅判開政有命天牌踵臨不敢違傲遂乃章皇

出肅冒登政席矣其奈鑑別無素注擬昧方退而

反省惶恚居先竊惟本職銓衡是掌雖在佐貳有
時代斷選顧與諸嘗有別實非如臣無似所可
冒據也審笑何可泐忍不去以防賢路伏乞早

賜鑄免俾幸公私焉臣既以職名丐免何敢並舉
私懇以臣之根植單弱備經危譽而保有今日者
莫非 殿下覆育之恩 殿下之於臣父母也天
地也人有悲苦之情必呼天地呼父母而祈垂矜
憐臣若抱此衷懇而徒存嚴畏不徹於 經續之
下是自阻也安得不仰首一呼冀垂格外之恩
我臣情到此其亦窮且憾矣止竟哀之命也不哀之

之亦命也茲敢不揆猥越畧暴肝膈伏惟 殿下垂

察焉噫臣九歲喪母十六而臣父又見背不得牽

車牛服田畝供為子職靡有室家無所為歸及夫

策名朝籍之後猶寄眷於窮鄉未嘗起第於城闉

每欲退而躬耕自給盡力乎追遠報本之地少贖

不孝之罪臣尚冀頑庸碌逐逐紅塵慚負初心者

已有年所矣人之所願乎有子孫者以其生而致

其養沒而敬其祭也臣則無他弟兄子纔髻髫

歲時蒸嘗無人主奠烏在其為人子之道乎然而

臣之低回不敢沒去者一則涓埃未報也一則令

式莫越也耿耿含恤無以自慰竊觀 國朝盛際
賢士大夫莫不有官則進京供仕解官則還鄉家
居故事相傳歷歷可數臣豈敢自方於前修若蒙
聖慈俯垂哀憐 特許臣從便往來俾遂微願臣
之感 恩鏤骨奚啻受萬鍾之賜哉祇自伏地攢
手而已臣無任云々

初十日 答曰省疏具悉所請依施
十五日兵批付護軍

丁亥

十四上之即位二十四年四十歲

正月十三日

大王大妃殿怡

綸八旬加上尊號稱慶陳賀進

二十二日 王大妃殿誕辰問安進

二十七日 大王大妃殿進饌時問安進有賜饌

七月十八日 憲宗大王周甲誕辰真殿酌獻禮

時進

二十五日 大殿誕辰問安進

九月二十日以 華寧殿誕辰祭獻官受香發行

入華城宿 華城留守尹滋意病未行代差

二十一日夜將事 大祝水原判官吳錫泳祝史中軍 齋師安山郡守李承

喜

二十二日還京詣政院納餽餘

二十五日中宮殿誕辰問安進

十月十七日中宮殿患候平復親臨陳賀時

進

十一月初七日差仁陵冬至祭獻官受香詣本
陵夜將事直向安城

戊子

上之即位二十五年四十一歲

正月十五日

王大妃殿

昌福

王大妃殿

昭莊

大殿

正聖光義明功大德

中官殿

元

加上尊號進箋時進

二十二日

王大妃殿誕辰問安進

二十四日

王大妃殿加上尊號陳賀時進

三月初六日差

健陵忌辰祭獻官受香抵華城

宿

初八日詣

本陵夜將事還到華城因病留二日

還京

十三日

大殿

王大妃殿

王大妃殿

中

宮殿加上尊號上冊寶及親詣受賀時進

七月二十五日大殿誕辰問安進

二十九日晦差景慕官朔祭獻官夜將事還

十一月十四日同經筵副提李範晉受點魚中

檀吏判趙秉世政

十七日差顯隆園冬至祭獻官受香抵華城宿

十八日詣本園夜將事其翌直向安城

己丑

上之即位二十六年四十二歲

二月二十九日晦差

宗廟

朔祭獻官夜將事還

七月二十五日

大殿誕辰問

安進

十一月二十七日差

健陵冬至祭獻官受香抵華


城宿

二十八日詣

本陵夜將事其翌直向安城

大祝

尹泰



庚寅

上之即位二
十七年四十三歲

五月十五日

孝仁殿朝奠

八然笑班仍問安

四月十七日未時
如殿趙氏昇選在報恩庄舍

奉諱奔

笑入京

十九日與閣僚聯名陳劄請寢

隨輦之命不許

二十日公除翌日問安進與閣僚承值入侍于

恭默閣

二十六日有政兵批

刊書閣
派煥政

同中樞蒙

恩渥

金鶴根趙熙一

二十七日梓宮加恭問安進同知謝恩

六月初七日

孝慕殿

孝仁以與
徽厚相同改議孝慕

宣懿王后朝

奠進 梓官結果後笑班及問 安別奠魚行書

茶禮進參又問 安

十八日慶成殿失火後問安進

二十二日同知初度呈辭呈政院還出給

二十三日初度呈辭入啓給由

二十五日再度呈辭加給由

二十七日三度呈辭遞差

二十九日有政兵批付護軍

七月初一日 孝慕殿畫茶禮進

二十九日吏曹以 大行大王大妃殿輓章製述

官預差抄啓製進

代作

八月二十八日 孝慕殿啓續後別奠及問 安

進仍參祖奠

二十九日 大行大玉大妃殿大饗進贊時到普

濟院路祭所奉辭

九月初三日夜 孝慕殿三虞祭進仍問 安

十五日 孝慕殿晝茶禮進

二十五日 中宮殿誕辰問 安進

十二月六日 神貞王后誕辰孝慕殿酌獻禮進

辛卯 上之卽位二十八年四十四歲 三月初一日 孝慕殿畫茶

禮進

十一月初一日 孝慕殿畫茶禮進

十三日 政工曹參判蒙 恩望魚 申檀李容

宜 吏參吳益泳政

十五日 謝 恩 孝慕殿畫茶禮進

二十一日 差 景陵冬至祭獻官受香詣本 陵

將事 大祝李鼎植

二十二日 孝慕殿冬至別茶禮進 王世子詣

勤政殿上表裏時進

二十四日

王世子率百官庭請時進

三請只許
元朝告布

三十日工曹參判初度呈辭呈政院還出給

十二月初一日初度呈辭入

啓給由

初二日傳曰呈告工曹參判許適今日政差出

蒙適兵批付護軍

初六日孝慕殿訖辰朝上食酌獻禮時進

壬辰

上之即位二十
九年四十五歲

四月十五日

孝慕殿朝上

食夕上食進

十六日

孝慕殿祥祭進

十八日

閣臣承

候入侍于乾清宮


五月初二日

上親臨勤政殿宣祖大王

懿仁

王后

仁穆王后進上尊號稱慶受賀時進



癸巳十年上之即位三正月二十九日都政吳批同中

樞末擬金世基點蒙尹璵魚


三月初六日大明太祖高皇帝忌辰大報壇展

拜親祭時進

十八日受西湖都御史之命當日登程


[The page contains several columns of extremely faint vertical Chinese text.]


This image shows a blank ledger page with 12 vertical columns. The columns are separated by thin vertical lines, and the top of the page is enclosed by a double-line border. The paper is aged and slightly discolored.



[illegible]







This image shows a blank, aged, cream-colored page, likely an endpaper or flyleaf from an old book. The paper has a slightly textured appearance with some faint vertical lines and small dark spots, possibly due to age or the scanning process. The page is otherwise empty of any text or markings.

